

八世祖來一東環公履歷

謹按來一府君於嘉靖十年九月內襲爵即考掌印二十六年蒙溫處金衡嚴兵備副使曹委築岳頭城牆工完行樂清縣給匾書海奇蹟以嘉獎之二十七年四月內率駕兵船赴雙嶼江策應六月蒙統兵都司梁率剿夷寇獲功三次二十八年二月內為五報海洋捷音事蒙欽差巡按都御史宋案行溫州府宴勞給賞花牌銀兩二十九年七月二十三日率紅同指揮把總夏深入南鹿海洋功擒番賊王如卿等一百四十名斬首二十一級親擒刺撻王南俱解本府紀功三十一年十月內蒙溫處金衡嚴兵備副使谷案行樂清縣獎勸十一月十三日跟隨分守參將湯率領兵船於梁灣海洋哨剿倭賊親斬賊首四級解蒙

欽差巡撫都御史王紀賞花牌銀兩仍蒙

奏薦內開府君素稱勇敢

曾立戰功出海爭先擒斬尤著又蒙批委守禦本所三十二年閏三月二十六日率駕兵船跟隨參將湯追剿倭賊至定海馬跡潭與賊交戰斬獲賊首五級四月十九日於前倉青洋督率捕盜陳顯達等兵船共斬倭賊二十一首解赴軍門紀功仍蒙奏荐內開府君防守隨

征獲功雖有多寡盡心勤事奉令則無二三九月初四日蒙兵部給

欽賞銀十兩本月內蒙

巡視海道副使李案驗專委督理黃華水寨

通港兵船十二月十三日蒙本道調赴福建協駕造兵船回浙三十

二年正月初六日奉浙江都司劄付蒙軍門題奏

欽賞銀一十二兩五錢七月內定海領兵同福建千戶常江於三姑海洋
冲蓬蒙

欽差總督軍務侍郎張 案行寧波府獎賞銀六兩三十四年五月內隨
參將盧 征進南直隸王江涇地方斬獲僦首十一級解蒙 撫按衛
門紀功賞銀三十兩三十五年四月二十四日蒙 帶管兵備副使劉
牌委率兵追賊二十九日白象地方督斬賊首五級至南溪地方督
斬賊首六級十一月十一日率兵陳大詔等於永嘉茅竹嶺地方斬獲
賊首十級俱蒙紀賞復蒙 道府委練處州民兵三十六年二月內蒙
監軍紀功巡按御史趙 案開府君體貌魁武才猷邁衆可備任使
獎銀四兩八月十三日蒙

欽差總督侍郎胡
案開府君貌偉而氣節奮勇才敏而調度有方操守

端嚴軍士畏服此簡次乎梅林之列可備偏裨之任以風諸將行府獎
銀四兩後府君病故蒙 兵巡副使袁提本所申文何鵬素稱勇敢任
事勤勞乃武弁之傑出者本道方切倚任而忽以病故殊爲可憫仰府
勑支稿賞銀五兩給其家爲殯葬之資以示優勸具由繳諭曰南纂家
乘至東環公舊不顧身冲鋒陷陣斬將裹旗當事者僅予獎予銀不階
一級虛行故事因之有感焉夫賞罰者人主之大權而禦戎之首務也
信賞必罰高祖以之蕩平六合賞玩罰項籍終於垓下吾東環公當夷虜
頻擾奮不顧身擒渠魁 歷行間十六年始終如一使當事上聞於朝
晉階晉爵則英勇之士環視而起其於醜虜何有焉夫士之離鄉土捐
妻子冒矢石而不恤者徒欲以攀龍鱗角策勳鐘鼎傳之子孫耳茲進
則涓埃退則碎首介胄之士其有不解體者鮮矣吾東環公雖不因不

賞而易節而何可門到戶說耶卒之海寇蔓延終明之季而亡其國者

有由來矣赫兮

皇清當乾隆嘉慶之際其時海寇有若蔡牽朱噴紅渠買油等帮閩廣江浙遭其害者擢髮難數我

皇上赫然斯怒命將出師獲一級者許議叙擒十賊者即超遷或兵丁而還至都副或把總而還至總兵有死王事而世襲厥職世襲壯烈伯者視功之大小爲差等當是時也虎豹熊羆膺揚用命不十年間渠魁悉殄鯨嘯無聞其失若彼其得若此賞罰之效爲何如也夫敬事後食忠不望報此純臣之自矢非可慨之行間也明

世宗高拱

宸極希養無爲時巡視副使及御史若朱若谷若王若李若劉若趙暨總

督張經胡梅林諸公皆望風希旨不敢以邊圉未輯 上演

聖聰此君門萬里血戰之士所以扶軼而長嘆者也君子論世至此未賞不悲其君之賞罰不明玩寇啓戎而深幸吾

朝之信賞必罰不足平爲可喜也傳曰重賞之下必有勇夫又曰上有好

者下必有甚焉者其此之謂歟

裔孫郁南謹論

又稽府君初年視篆本所守正不阿致遭妻非遺謫衡州時 崖挺調異川陳公府君以詩上之雅相友契及其返也情不忍別復有送行序文以贈之敬附錄焉

附上巽川陳公詩

賢才倒植誦他鄉何幸燕臺識駿良杯酒漫云春草碧篇詩魂落暮雲

藉坡何氏宗譜

傳

公元二〇〇三年癸未重修

黃知君跨鳳凌丹闕愧我騎鯨逐夜郎肯念斯文垂左顧仰休終日侍

琴堂

附送府君榮還蒲岐序

嘗謂天下之事謀之者人成之者天謀之者一人之私間或能勝天既克有定未始不爲天所勝者是故昭事上帝而美里釋誠感風雷而流言息古人皆然居今之世獨無類古者乎東環何公浙人也少襲祖蔭視篆蒲岐守正不阿人罔敢干以私爲上下之所忌者久矣子按南畿時稔聞其賢歲己亥君以禦寇之故遭貝錦之譏大抵尤焉癸亥請擦屋子闢何者我固孔棘投諸難欲自效以贖也檄下君即慷慨就道了無難色及至擦崖提調巽川陳公適自河間守戎轉任

荀門持風裁者目其循循雅飭几安重雖遭疑謗而不失其常因識其有量既而聆其議論鏗鏘且運籌決勝甲兵數萬蘊之而不張因識

其有才又由是伺

靜察其心跡比及二年閒居獨處慾心不動因識其有守夫量如是才如是守如是誠衆人之所難而君之所獨也寧不爲天之眷而人之庇乎以故巽川不以部屬畜而以客禮遇不以摧

逆挫而以羈旅采也乙巳秋我

皇上克一心之純孝際

九廟之落成欲推恩以及四海故廣赦以宥九圍東環何公適遇其例一

時士夫咸相謂曰高高在上亦知其有日監在茲者乎所謂天定亦能勝人於此驗矣肆奸謀者竟何益哉仲秋東環南還盤石巽川諸公不忍分袂僉謂仁人贈人以言走使徵予爲序適自遼轉陝予告抵家故

不辭而爲之嘉嘆曰非異川無以識東環之高非東環無以致異川之
遇也矧南北異地後會難期贈別之情古人重之解袂從此旋杜甫贈
湘江之別也長行萬里餘荆公贈臨江之別也陽关無故人王維贈渭
水之別也江文通亦曰春艸碧色春水綠波送君南浦傷如之何所別
之地不同儕別之情則一也東環抵溫必展軸而憶之曰剝棗斷壺諸
君別我之時也灤江灌河諸君別我之地也崇散載樽獻酬交錯諸君
別我之情也情不能已繼之以思平樂風景宛然在目交遊故舊如與
面談寧能不動念乎異川諸公咸遷喬在即者諒不限南北東環之任
淬礪聿新榮轉荷門是未可知也夫何斬於後期哉遂書以俟

嘉靖二十四年歲次乙巳秋八月

賜進士第朝議大夫陝西布政司右參議前南京監察御使盧龍吉庵

趙得佑頃首拜叙并書以贈

賜進士理三屯營讀畫毛 紹

欽差江西都司都指揮僉事陳 燦

欽依提督大喜峰口关守備署都指揮僉事龐學書

欽依提督遵化守備署都指揮僉事李康民

欽依提督擦屋子等營指揮僉事趙 通

欽依提調大毛山等營指揮同知朱克恭

太平寨營把總指揮張 瑞

徐流管操指揮僉事馬 昇

管墩百戶 侯相